

Danmarkimi efterskolerneq

**Atuarfinni ilitsersuisartunut
angajoqqaanullu ilitsersuut**

Ilinniartitaanermut Naalakkersuisoqarfik

December 2013

Imai

Danmarkimi efterskolerniarluni qinnuteqartarneq pillugu	3
Siunnersuineq ilitersuinerlu.....	3
Qinnuteqarfissat marluupput.....	4
Efterskolemut qinnuteqarneq	4
Namminersorlutik Oqartussanut tapiissutinik qinnuteqartigasi.....	4
Aningaasat tapiissutillu aammalu	5
Immikkut tapiissutit	6
Ukiunut aningaasarsianut uppersaait	7
Immikkut tapinik immikkut akuerineqarnissamut periarfissaq	7
Misissuiartorluni angalaneq	7
Ilinniartut immikkut peorsaanikkut ikorfartorneqarnissamik pisariaqartitsisut.....	8
Ilinniartut immikkut perorsaanikkut ikorfartorneqarnissamik pisariaqartitsisut:	
Efterskoleforeningip ilitersuinerlut ilanngussaa.....	8
Aallarniutaasumik- aamma piareersarluni pikkorissarnerit	9
Efterskolemut efterskolemiillu angalanerit.....	10
Angalanerit angajoqqaat aaqqissuussaat	10
Angalanerit naalakkersuisoqarfiup aaqqissuussai.....	10
Ilinniartut nunaqarfinneersut.....	11
Ilaqutariittut ornittagaaneq.....	12
Efterskolet peqatigiiffiat	12
Angerlariartorneq:.....	12
Maalaarfigineqarsinnaasut:	13
Piffissaliussat pingaarutillit.....	13

Danmarkimi efterskolerniarluni qinnuteqartarneq pillugu

Danmarkimi atuartut efterskolerusuttarnermut pissutigisaat amerlasuujusinnaapput, nalinginnaanerpaavorlu danskisut annertunerusumik ilinniagaqarusunneq tassuunaqquullugulu ilinniakkamik aallartitsinissaq.

Sunaluunniit pissutaagaluarpat pingaartuteqarpoq angajoqqaat atuartullu Danmarkimi efterskolernissaq ilumut atuartumut naleqquttuunera pillugu oqaloqatigiilluarsimanissaat, aammalu atuartup nammineq aalajangeeqataanissaa.

Eqqarsaatigalugillu misissugassat amerlaqaat, assersuutigalugu efterskole atuartup pisariaqartitaanut, piginnaasaanut kissaatigisaanullu naleqquttunik neqerooruteqarnersoq. Efterskolet assigiinngitsorujussuarnik pingaartitaqarsinnaallutillu sammisaqarsinnaasarput, immaqa kristumiuussutsimik tunngaveqarput, ilaat timersornermik efterskoleupput, allallu faginik pingaarnerutitaqartarput il.il.

Efterskolet ilaasa atuartut ilinniarnermi malinnaanissaminnut naammattumik qallunaatut paasisinnaallutillu oqalussinnaanissaq pingaartittarpaat.

Atuartut amerlasuut Kalaallit Nunaanneersut kulturimik allarlunnarmik naapitaqartarput, katerisimaariaatsit allat, oqaatsit allat - immaqa danskisut atuartut atuarfimminni ilinniarsimasaanik allaanerusumik oqalupput, taamaammallau paatsooqatigiittoqarsinnaasarluni.

Ukiut tamaasa atuartut ilaat efterskolemik sungiussinngitsoortarput, atuarfimmut allamut nuussinnaallutik allallu angerlaannartarlutik, pisorli suugaluaarpalluunniit tamanna atuartumut ajorsarnertut malunniuttarpoq. Taamaammatt pingaartorujussuuvoq angajoqqaat atuartullu ilinniartitsisunik oqaloqateqarsimanissaat paasilluarumallugu Danmarkimi efterskolerneq sunik piumasaqaatitaqarnersoq, ulluinnarnilu unamminartut naammattoortuagassat atuartup sapissannginnerai.

Taamaalilluni atuartunut unammilligassat amerlaqaat, aammali angajoqqaanut, meeqqaminnit ukiorsuaq naallugu avissaaqqasussaallutik ilumut meeqqamut eqqortumik toqqaasimanertik ernummatigeqqajaasarmassuk.

Taamaammatt sunik tamanik eqqartuilluarnissarsi pingaarutilerujussuuvoq, annermillu angajoqqaat ilisimaarilluartariaqarpaat efterskolerneq atuartumut minnerunngitsumillu imminnut qanoq kinguneqarsinnaanersaq.

Siunnersuineq ilitsersuinerlu

Kommunit ilitsersuinermik siunnersuinermillu assigiinngiaalaartunik periuseqartarput, kisianni aallaaviusarpoq, ilinniartitsisut atuartunik nalunngisaqarluartut tassaammata siunnersuisinnaasut pitsaanerpaat. Illoqarfiit ilaanni aamma Piareersarfiit efterskolenut tunngasunik ilitsersuisinnaasarput.

Ilinniartitaanermut Naalakkersuisoqarfiup imaluunniit taassuma toqagaata, sallerpaatillugu suliassaraa angajoqqaat akiliutissaasa annikillissarnissaannut tapiissutit aqutarinerat,

taamatullu angalanerit aamma Kalaallit Illui aqputigalugit Danmarkimi efterskolertunut ilitsersuineq.

Imaappoq angajoqqaat namminneq efterskolenut saaffiginnittussaapput, assersuutigalugu akiliutissamik annertussusissaat, atuartut ulluinnarni inuunerat il.il. pillugit, tamatumanilu oqalutsimik pisariaqartitsigunik najukkaminni siunnersortit. atuartumik angajoqqaanillu ilisarissimannilluartut - saaffigisinnaavaat.

Efterskolernerup nalaani Kalaallit Illuat efterskolemut qaninnerusoq atuartunik ilitsersuisuusarpoq pisariaqarfiiigullu toqqaannartumik angajoqqaanut attaveqartuusarluni.

Ukiuni atuarfiusumi 2014/2015-imi Oqaatsinik Pikkorissarfik Namminersorlutik Oqartussat aningaasaliisasutaanik suli aqutsisuusaaq. Imaappoq tapissutit angalanerillu pillugit apeqqutit Oqaatsinik Pikkorissarfimmut saaffiginnissutigineqarsinnaapput, tassanngaanniillu apeqqutit ingerlaannaq akisinnaangisat suliamik suliaqartuusumut ingerlateqqinneqartassapput. Oqaatsinik Pikkorissarfiup oqarasuaatigaa 86 67 00 – aamma emaili una atorveqarsinnaalluni: efterskole@oqaatsit.gl

Qinnuteqarfissat marluupput

Pingaaruteqarpoq ilisimassallugu periusissat marluummata, tassa Danmarkimi efterskolemut qinnuteqarneq aamma Namminersorlutik Oqartussanut angajoqqaat akiliutaasa appartinnissaannut atuartullu angalanissaanut tapinik qinnuteqaat.

Efterskolemut qinnuteqarneq

Angajoqqaat namminneq – immaqa kommunep ilitsersuisartua ikiortigalugu - Danmarkimi meeqqamik efterskolernissaa qinnuteqaatigissavaat, tamanna aamma ima paasineqartussaavoq angajoqqaat Namminersorlutik Oqartussanit tapinik perusungitsut taakkunanga tapinik qinnuteqaretariaqanngitsut.

Danmarkimi efterskolertarneq pillugu paasiniaasoqarsinnaavoq soorlu uani: www.efterskole.dk, tassani aamma akiligassat – naalagaaffiup tapiissutaasa ilanngaatereernerisigut - annertussusissaat angajoqqaat namminneq naatsorsorsinnaavaat. Angajoqqaat Namminersorlutik Oqartussanit tapiissutisisut aningaasat taakku ”qaavatigut” ilanngaatisavaat, namaminneq qanoq akiliitiginissartik paaserusukkunikku (immikkoortumi uani ”Aningaasaqarneq tapiissutillu aammalu”-mi erseqqissaateqarpoq).

Namminersorlutik Oqartussanut tapiissutinik qinnuteqartigasi

Pingaaruteqarpoq erseqqissassallugu ANGAJOQQAAT tassaammata meeqqaminnik efterskolertitsisut. Taamaammat ANGAJOQQAAT efterskolep attaviginissaa, minnerunngitsumillu ilisimallualernissaa akisussaaffigaat, taamatullu Namminersornerullutik Oqartussanit tapinik qinnuteqarnissaq **sioqqullugu** efterskolimiit atuartup atualersinnaaneranut uppersaammik pissarsereersimasariaqarlutik.

Namminersorlutik Oqartussanut tapiissutinik **QINNUTEQARTIGASI** aamma ilaqutariinnit attaveqaataasartussanit akuersissut atsiugaq pissariaereersimassarsi. Ilaqutariit

attaveqaataasartussat immersugassaasat uaniippoq:

http://oqaatsit.gl/Portals/0/Dokumenter/Efterskole/Kontaktfamiliekontrakt_2014_15.pdf.

Immersugaq ilisinnissaq atsiorneqassaaq qinnuteqaammullu ilanngullugu nassiunneqassalluni.

**Namminersorlutik Oqartussanut tapiissutinik qiunnuteqarneq
Pingaaruteqarpoq qinnuteqaat TAMAKKIISUMIK eqqortumillu immersorsimanissaa,
ilanngussasallu pisariaqartut ilanngunnissaat, tassami immesornerlutat
qinnuteqaatilluunniit amigartut itigartitsinermik kinguneqartarmata.**

Aamma pingaaruteqarpoq ilisimassallugu Namminersorlutik Oqartussat taamaallaat suliassarimassuk angajoqqaat Danmarkimi efterskolernermut akiliutaasa appartinnissaannut tapiineq aamma efterskolemum angalanerit - malittarisat nalunaarummi Xx, septembarip xx-ani 2013-imeersumiittut tunngavigalugit.

Tapiissutinik qinnuteqarnermi qinnuteqarfissaq elektroniskiusoq atorneqaassaaq uaniittoq: www.sullissivik.gl (aamma uani nassaarineqarsinnaavoq: www.oqaatsit.gl). Immersugaq toqqorneqassaaq, pappiarannngortinneqassaaq, atsiorneqarluni ilanngussasallu pisariaqartut ilanngullugit kommunep ilinniartitaanermut aqutsisoqarfianut nassiunneqassalluni.

Angajoqqaat internetseqanngitsut kommunep ilitsersuisuinit ikiorneqarsinnaapput, nunaqarfiup allaffiani imaluunniit illoqarfiup atuarfiani.

Aamma angajoqqaanut sullissisunullu iluaqutaassaaq angajoqqaat emailadressemik tunniussippata, paasissutissat bilitsillu tassunga nassiunneqarsinnaaniassammata.

Aningaasat tapiissutillu aammalu

Angajoqqaat eqqumaffigisariaqarpaat meeqqaminnik efterskolertitsigunik tamatigut akiliuteqartussaagamik, soorlumi aamma atuortoq angerlarsimaannaraluarpat pissaqartinniarnernut akiliisussaagaluartut. Aamma efterskolet amerlanersaasa piumasarisarpaat angajoqqaat atualersitsinissamut akiliisimanissaaq (indmeldelsesgebyr) aamma/imaluunniit atuartup atualinnginnerani sallunaveeqqutinik (depositum) akiliisimanissaaq.

Angajoqqaat akiliutaat assigiinngitsorujussuusinnaapput, naalaaffiummi tapiissutaanut illoqutigiit efterskolertitsineq ukiunik marlunnik sioqqullugu aningaasarsiarisimasaaq tunngaviusarmata, aamma efterskolet akigititaat assiinnngittarmata.

Naalagaaffimmit tapiissutisiniaraanni aamma danskit napparsimalersinnaanermut sillimasiuttagaannik atuortoq peqassappat, atuortoq efterskolerfissamini inuit allattorsimaffiannut DK-mut tikinnerup kingorna ilannguttariaqarpoq. Aamma taanna maani kommunerisamit aallannginnermi aqqinneqarsinnaavoq. Qanoq pissanerlusi efterskole isumaqatigisiuk.

Napparsimalersinnaanermut sillimmateqaraanni akeqanngitsumik nakorsiartoqarsinnaavoq. Taamaattorli nakorsaatit tunniunneqartut nammineq akilerneqartartussaapput. Danmarkimi kigutit nakorsaat akeqarpoq, taamaammat aallartinnak kigutilerisuliereerit.

Angajoqqaat akiliutissaat paaserusukkussiuk www.efterskole.dk –p ataani nassaarissavarsi ”Prisberegning” (<http://www.efterskole.dk/da/Schools/Price>), tassungalu paasissutissat kissaatigineqartut allallugit. Efterskolep toqqakkap ataani sapaatip-akunneri qassit atuartoqarnissaa ersittarpoq. Sapaatip akunnerisa amerlassusiat taanna 281-imik amerlisarussiuk (gangerussiuk) Namminersorlutik Oqartussat tapiissutaasa nalinginnaasut annertussusissaat takusinnaalissavarsi, taannalu ”Prisberegning”-imi akimit nassaarisassinnit ilanngaakkussiuk, nammineq ukiumut akiliutissassi annertussusissaat takusinnaalissavarsi, taakkualu 10-mik agguarusigigit qaammammut akiliutissarsi takusinnaalissallugu

Efterskolemut akiliutip saniatigut - tapiissutit peereerlugit qaammammut 1.500 – 3.000 kr-iusinnaasut **annertunerullutilluunniit** - angajoqqaat nammineq isumagisassaraat meeqqamik kaasarfimmiussaartinnissaat aamma aningaasartuutit allat matussusernissaat, soorlu atisanut, ilaqtugariinnut attaveqaataasunut angalanerit, weekendernerit, feriami angalanerit il.il. Efterskolep ilaasa atuartut cykeleqarnissaat allanillu angajoqqaat akiligaannik peqarnissaat piumasarisarpaat.

Angajoqqaat arlalinnik ataatsikkut efterskolertitsisut marluliaatilliilluunniit atuartup aappaa 50 %-imik annertusisamik tapiissutisissutigisinnaavaat. Uani malugineqassaaq angajoqqaat **ukiut tulleriit marluk efterskolertitsissut tapisaraluarnerat atorunnaannikkuummat.**

Angajoqqaatut akisussaassusillit **avissimappata averusersimappatalluunniit** angajoqqaatut oqartussaassuseqartup **meeqqap najugaqarfiata** isertitai akileraaruteqaataasussat tapiissutinik naatsorsuinermi aallaaviussapput.

Angajoqqaatut akisussaassuseqartoq meeqqap najugaqarfigisaa **allamik aappaqalersimappat inooqataasup aningasarsiai tapiissutaasussap** aalajangerneqarneranut ilaatinneqassapput, **inooqatigiittut katissimasutut assingusumilluunniit inooqatiginnerat ukiumik ataatsimik sivisunerusumilluunniit sivisussuseqarsimappat.**

Immikkut tapiissutit

Ilaqtariit ukiumut 280.000 kr-nik ikinnerusunik aningaasarsiallit tapissutip nalinginnaasup saniatigut tapiissutiseqqissinnaapput, annertussusissaallu qanoq qinnuteqartoqartiginera apeqqutaatillugu aalajangerneqassalluni. Tapiissutinik immikkuullarissunik tunniussuisoqareerpat aningaasaliissutillu suli sinneqarpata ilaqtariit ukiumut 340.000 kr-nut tungaanut akissarsiaqartut aamma immikkut tapiiffigineqarsinnaapput.

Maanna qinnuteqartitsinermi periuseq una atorneqassaaq: Kikkulluunniit 340.000 kr-nik ikinnerusunik aningaasarsiaqartut immikkut tapinik qinnuteqarsinnaapput, nalinginnaasumik tapiissutit saniatigut. Kisianni tapiissutissat suliaqarnerini ilaqtariit 280.000 kr-t 340.000 kr-llu akornanni isertitallit aatsaat tapiissutisissinnaapput angajoqqaat 280.000 kr ataallugit isertitallit tamarmik tapiissutisereerpat, aningaasaliissutillu suli sinneqarpata.

Immikkut tapit annertussuseqassapput, angajoqqaat namminneq akiliutissaat sapaatip-akunneranut 300 kr-inik minnerulersinnagu.

Ukiumut aningaasarsianut uppersaaitit

Namminersorlutik Oqartussanit **IMMIKKUT TAPINIK** qinnuteqarnermi akileraartarnermut allaffimmit inaarutaasumik nalunaarut atorlugu aningaasarsiat uppersaaserneqassapput

Angajoqqaat **TAMARMIK** aamma akileraartarnermut allaffimmit inaarutaasumik nalunaarut **EFTERSKOLEMUT qinnuteqarnermi atussavaat.**

Malugiuk: Sulisitsisumit aningaasarsiat allagartaat uppersaaitit **naammangilaq**, angajoqqaammi **aralinnik** ukiup ingerlanerani aningaasarsiorfeqarsinnaammata.

Immikkut tapinik immikkut akuerineqarnissamut periarfissaq

Angajoqqaat aningaasarsiaat atuartup efterskolernissaa ukiumik ataatsimik sioqqullugu 280.000/340.000 kr-nut ikileriarsimappata, angajoqqaat immikkut tapinik qinnuteqarsinnaapput, taakkunungalugu uppersaaitinik naammattunik qinnuteqaat ilaqartissallugu, soorlu akileraartarnerup naammaassilluni kisitsisinnngortinnerinik aammalu qinnuteqarneq sioqqullugu qaammatini pingasuni aningaasarsiat aallagartaannik uppersaasiinikkut, allatulluunniit qaammatini pingasuni aningaasarsiaaasimassunut uppersaasiinikkut.

Atuartut annertuumik innarluuteqartutut ikiorserneqartarnerini ilaaasut aamma meeqqat inuusuttullu angerlarsimaffiup avataanut inissineqarsimasut kommunerisami ikiorsiarsarfirmut siunnersortikkiartortassapput, inuusuttummi taakku danskit inatsisaat malillugit efterskolenut immikkut akuerisaasusunut inissineqassammata.

Efterskolet immikkuullarissut atii uani takuneqarsinnaapput:

<http://findtilbud.tilbudsportalen.dk/SearchStructured.aspx?freetext=efterskoler&searchtype=searchnew>

Isumassarsiaalaavoq efterskolenut immikkuullarissunut qinnuteqajaartarnissaaq, taakua utaqisoqartarmata.

Atuartut annertuumik innarluutilittut nalunaarsukkat ukiut pingasut tungaannut akuerineqarsinnaasarput.

Misissuiartorluni angalaneq

Timimigut tarnimigullu akornuteqartumut misissuiartorluni angalanissamut, taassuma attaveqarfigisartagaanut ilaqutaasumulluunniit ataatsimut tapiisoqarsinnaavoq. Misissuiartorluni angalanermut tapiissuteqartarneq pissuteqarpoq efterskolet immikkut periarfissaqartitsisut atuartup ajornartorsiutaanut naleqqunnerpaanersut paasiniarneqassammata. Misissuiartorluni angalanermut ilaatinneqassaaq ilaqutariinnut attaveqarfiusinnaasunut pulaarneq, atuartup efterskolernerani suleqatigiinnissamut suut naatsorsuutigineqarsinnaanersut paasinearsinnaaqullugit.

Misissuiartorluni angalanernut tapit tassaapput Danmarkimut utimullu pulaarfiillu akornanni angallassissutinut tamanut atuuttunut akikinnerpaanut aningaasartuutit tamarmiusut,

taamaattoq timikkut tarnikkulluunniit innarluutilimmut ingiallortaanullu ataatsimut annerpaamik katillugit kr. 30.000. Ilinniartitaanermut Naalackersuisoqarfik tapiissutip annertussusianik allatut aalajangiisinaavoq, pissutsit immikkuullarissut taamaattariaqartitsissappata.

Misissuiartorluni angalanermut taperneqarnissamik qinnuteqaat ilinniartitaanermut naalackersuisoqarfimmi tiguneqareersimassaaq kingusinnerpaamik 15. februari **efterskolernissap aallartiffissaa ukiumik ataatsimik sioqqullugu.**

Ilinniartut immikkut peorsaanikkut ikorfartorneqarnissamik pisariaqartitsisut

Ilinniartunut immikkut perorsaanikkut pisariaqartitsisunut tapiisuteqartoqarsinnaavoq. Ilinniartunut immikkut perorsaanikkut ikorfartorneqarnissamik pisaariaqartitsisunut tapiissutinut ilaapput suliarineqartunut ikiorsiissutissat, taamaaliornikkut atuartut iimikkut pisariaqartitsisut tapesorsorneqassammata efterskolernerminnik iluatsittumik naammaassinnaannut. Tapersiissutissat suunissaat annertussusissaallu ilinniartitaanermut naalackersuisoqarfimmut qinnuteqaateqarnikkut akuesissutigineqarsinnaapput.

Ilinniartut Danmarkimi efterskolernerminnik naammassinnaannut immikkut perorsaanikkut ikiorserneqarnissamik pisariaqartitsisut taakkulu angajoqqaatut oqartussaasui, kommunerisaminni efterskolimut qinnuteqarnissaaq pillugu ilitsersortissapput, ikiorsiissutinik pisariaqartitsisoqarnerata qulaajarneqarnissaa siunertaralugu.

” Ilinniartut immikkut peorsaanikkut ikorfartorneqarnissamik pisariaqartitsisut ”
tassaasinnaapput maannakkut atuarfigisaminni atuartitsissutini assigiinngitsuni immikkut atuartinneqartartut, atuartut naqinnernik ilisarinnissinnaanngitsut, atuartut ADHD-eernerminnik autisemilluunniit nappaateqarnerisut misissuiffigineqartut, sulili nakorsamit taamaattuunerminnik naqissuserneqanngitsut.

Ilinniartut immikkut perorsaanikkut ikorfartorneqarnissamik pisariaqartitsisut: Efterskoleforeningip ilitsersuinermit ilanngussaa.

Aallaaviusartuq unaavoq inussuttut Danmarkimi efterskolertigatik sumik ajoquteqarsinnaaneri Kalaallit Nunaannit aallartinnagit paasineqareertassasut. Tassa imaappoq efterskolet *ilinniartup oqaluttuassartaa nalunngiinnarnagu – aamma nalilersuinerminik* tigusaqariissasut (soorlu skolevejlederimit imaluunniit Kalaallit Nunaanni kommunemi ilisimasalimmit allamit) inuusuttup efterskolernermini sutigut tapersersortariaqarnera pillugu sunik aallartitsisariaqarnerminnik tunngassuteqartut.

Tamanna pisarpoq qulakkeerusullugu efterskolet nalunngissammassuk inuusuttut qanoq ittut atuartuutigilernerlugit taamatullu aamma ilinniartut tikinnginneranni periusissanik piareersaareersinnaassammata. Taamaaliortoqanngippat imaaratarsinnaammata atuarfiup tungaanit piareersarnissamat tunngavissaqannginneq pissutigalugu inuusuttup iliuseqarfiginngitsoornera aammalu aningaasalinngitsoortoqarnera.

Immikkut atuartitsinissamik pisariaqartitsineq (nal.ak. 9-it sinnerlugit/sap.ak. atuartitsivinnerit 12-ut) ilinniartuq efterskolemumut *aatsaat tikereersoq paasineqarpat* – suliaq

aallartinneqarsinnaassaaq aatsaat angajoqqaat PPR-ilu attaveqarfigineqareerpata. Uani aamma takusaqarsinnaavutit:

<http://efterskoleforeningen.dk/da/Leksikon/RT/Specialpaedagogisk-Stoette>

Tamanna aamma ima pasisariaqarpoq suut tamarmik kinguartussaasut, immaqa atualereernermi tapiissutissat ukiup affaa qaangiuppat takuutissallutik - takkutissagunimmi.

Ilinniartut immikkut atuartinneqarnissamik nal.ak. 9-nik/ sap.ak. atuartitsiviusunik pisariaqartitsisut (maannakkut 'ilanngunneqartunik' taaneqartartut pillugit) - aamma pingaaruteqarpoq atuarneq aallartitsinnagu pisariaqartitaannik ilisimaarinniffigissallugit.

Ilinniartunut aamma taamatut pisariaqartitsisunut aamma efterskolet suliniuteqarsinnaapput – kisianni aamma pisariaqarpoq pisariaqartitsinermik ilisimasaqareernissaat, tassami atuartitsinerup imasaanik iliniartitsisullu tiimissaannik ikussuisoqareertarpoq *aammalu* angajoqqaat isumaqatigiissuteqarfigineqariissallutik. Angajoqqaat suleqatgigalugit (!) allaganngorlugit pilersaarusiortoqassaaq, tassani ersissallutik suliniutit suut aallartinneqassanersut, atuarfiimmi atuartitsinermut taamaattumut aningaasatigut immikkut atuisussaasarmata.

Uani aamma atuarsinnaavutit:

<http://efterskoleforeningen.dk/da/Leksikon/GL/Inklusion vejledning>

Ilinniartunut kalaallinut aamma makkua suliniutigineqarsinnaapput, soorlu

- Qallunaatut oqaatsit aappaattut atuartitsineq

- Mentorimik / inulerisumik tapertaqarneq

Aamma tassani ilinniartoq efterskolemut apuutsinnagu *qallunaatut oqaatsit aappaattut ilinniartitsineq-mik* pisariaqartitsineq ilisimaarineqariissaaq. Taamaaliornikkut

iliniartitsisussaq nalunaaquttallu akunneri atorineqartussat pilersaarummut

ilanngunneqariissammata. Aningaasanik taamatut atorineqarsinnaasunik efterskolet immikkut akiliutissaqartarput. Aningaasartai ukiumut atuartumut ataatsimut 14.000 kr-niupput. Taakku soorunami iluaqutaassapput.

Immikkut akiliutissat allaaserinerat uani takuuk:

<http://efterskoleforeningen.dk/da/Paedagogiske-temaer/Tosprogede-elever/tillaegstakster>

Mentorimik tapertaqarnermu tunngatillugu aamma taamaappoq, tassa pisariaqartitsineq ilisimareerneqassalluni.

Aallarniutaasumik- aamma piareersarluni pikkorissarnerit

Efterskolernissap aallartinnissaanut tunngatillugu ilinniartitaanermut naalakkersuisoqarfik aningaasanut inatsimmi ilanngunneqartunik aallarniutaasumik- aamma piareersarluni pikkorissarnissanik aningaasaliisinnaavoq.

Taamatut aaqqissuussinerit siunertaraat ilinniartup Danmarkimi efterskolerluni inuunerup qanoq inneranik imaluunnit Danmarkimiinnermut atatillugu pissutsinut paasisaqarnerunissaq, tamannali aatsaat piviusunngorsinnaavoq ukiumi atuarfiusumii 2015/2016-imi.

Efterskolemut efterskolemiillu angalanerit

Namminersorlutik Oqartussat efterskolemut efterskolemiillu angalanermut aqquaanilu unnuinnarnernut tapiissuteqartarput, kisianni atuangiffeqarnermi, sapaatip akunnerisisa naanerini angalanernut aamma atuarfimmiit angalaqatigiinnernut akiliineq ajorput – tassa imaappoq angajoqqaat nammineq akiligassaraat Juullimut Nalliuttorsuarnullu allanut angerlarallarsinnaaneq aamma ilaqutariinnut attaveqarfigisanut tikeraartarnej utertarnerlu il.il.

Namminersorlutilli Oqartussat qanigisat toquneranni ilisaanerannilu angalanerit akilertarpaat.

Angalanerit angajoqqaat aqqissuussa

Qinnuteqarnermi angajoqqaat erseqqissassavaat efterskoleliarneq uternerlu namminneq aqqissuunniarnerlugu. Angajoqqaat aqqissuussaannik angalanerup nassataraa, angajoqqaat namminneq Danmarkimut bilitsimik immininneerillutillu akiliinerat, namminneq atuartup Kastruppimi niuffiorneqarnissaanik isumaginninnerat namminnerlu atuartut efterskolimut apuunnissaanik isumaginninnerat.

Bilitsimut sillimmatitaqanngitsumut (appaluttoq) allangortineqarsinnaanngitsumullu aningaasartuutit angajoqqaat utertissinnaavaat, ilinniartumut akiliutigisimasat – ilinniartumut imminnermut naatsorsukkat - uppernarsaatitalerlugit nassiukkunikkit, ilanngulugillu ilinniartup cpr-normua aamma aningaaservimmi konto utertiffiususaaq allallugu. Tamanna aamma atuuppoq Danmarkimi akikinnerpaamik angalasimanermut bilitsinut.

Tassa imaappoq, angajoqqaat ima siusinaartigalutik inniminniissasut bilitsinik akikitsunik inniminniisoqarsinnaagallartillugu. Akikinnerpaamik angalasinnaaneq atorneqarsimanngippat utertoortussat tassaassapput ullormi angalaffimmi akikinnerpaamik bilitsip akia. Maluginiarneqassaaq Danmarkimi angalatitsiviit ilaat inuusuttunut akikilliliisinnaasarmata, soorlu SAS aamma DSB.

Angalanerit naalackersuisoqarfiup aqqissuussai

Pingaaruteqarpoq erseqqissassallugu angalanerit naalackersuisoqarfimmit aqqissuunneqaralarpataluunniit angajoqqaat angajoqqaatut akisussaaffeqarmata, tamaalillutillu assersuutigalugu qularnaagassaralugu ilinniartut angerlarsimaffiimmiit attaveqaatinut eqqortunut ilaanisssaat, namminnerlu Kalaallit Nunaanni unnuisoqartillugu aqaguani ingerlaqqinnissaminnik isumaginninnissaat.

Angalanerit naalackersuisoqarfiup aqqissugaani bilitsit 1. Juni imaluunniit naammassiarturnerat malillugu kommunet ilinniartitaanermut ingerlatsiviinut nassiussuunneqartarput, aamma angajoqqaat emailii iluamik allanneqarsimappata angajoqqaat emailiinut.

Angajoqqaat angalanissanut immikkut kissaatigisaqarpata tamanna Namminersorlutik Oqartussanut nassiunneqassaaq tapiissutinik qinnuteqarnermut ilaatillugu. **Immikkut angalanarluni kissaatigisat allangortinneqarsinnaapput bilitsit tunniunneqarfissaat tikillugu.** Billisip tunniunneqarfissaata kingorna allangortitsinermi

aningsartuutaanerusut angajoqqaat akilissavaat, allannguutit angalanissamik allannguinermik tunngaveqarsimappata.

Angalanissani naalackersuisoqarfiup aqqissugaani anguniarneqartarpoq atuariiit aallartiffissaat ullunik marlunnik sioqqullugu angalatitsisarnerit. Atuartut ataatsikkut angalasussat arlaqarpata Kangerlussuarmi katersuutsinneqassapput Københavimullu ingerlaqateqartinneqarlutik.

Angalanerit Naalackersuisoqarfimmit aqqissuussaatillugit **Atuartut tamarmik** Danmarkimi Kalaallit Illuinit Københavimut tikinnermi niuffiorneqassapput, taakkulu aamma ilaqutariit ornittagassat ikiortigalugit erfterskolenut apuunnissaat aqqissuuttarpat. Ilaqutariit ornittagassat ilinniartut Kastrupimi aamma aasinnaavaat efterskolemullu apuunniissaat isumagalugu, imaluunniit Kalaallit Illuat qaninneq isumaqatigiissuteqarfigalugu atuarfik aallaartitsinnagu ilinniartut ilaqutariinnut ornittagassaanut apuunneqarnissaat aaqinneqarsinnaavoq, tamatumalu kingorna ilaqutariit akisussaaffigilissavaat ilinniartup efterskolemut apuunnissaa.

Ilinniartut ataasiakkaat kisimiillutik angalasariaqartarput, namminnerlu isumagisussanngorlugu aqqutit eqqortut atornissaat. Tassani pingaaruteqarpoq angajoqqaat qulakkeersimassagaat soorlu timmisartoqarfimmi il.il. angalanermit tunngatillugu ikiortissarsiorluni sumut saaffiginnissinnaaneq.

Ilinniartut Tunumersut Islandikoorajuttarput, nallackersuisoqarfiullu isumagisarpaa Reykjavikimiit Keflavikimut bussinut akiliutissaq aamma Islandimi unnuisariaqalernerimi unnuiffissaq. Naalackersuisoqarfimmit isumaginiarneqartarpoq ilinniartut ataatsimoorlutik angalanissaat, kisianni pinngitsoorneqarsinnaanngilaq ilinniartut ataasiakkaat kisimiillutik angalasarnerat, taamaattoqartillugulu angajoqqaat qulakkiissavaat ilinniartup Københavimut aqqutissaq eqqortoq atussagaa.

Unnuisariaqarnerit nerisassallu pisariaqartut akilernissaat Naalackersuisoqarfiup isumagissavai.

Ilinniartut nunaqarfinneersut

Angalanerit naalackersuisoqarfiup aqqissugaani naqalackersuisoqarfiup isumagisarpaa ilinniartut nunaqarfimmiut illoqarfimmut qaninnermut angalanissaat aqqutissat pisortanit akuerineqarsimasut aqqutigalugit. Imaakkajuttarpoq helikopterinik umiatsianilluunniit akuerisaasunik.

Angajoqqaat ataatsimoorlutilluunniit iliniartunik illoqarfimmut qaninnermukaassisut soorlu orsussamat aningsartuutitik utertissinnaanngilaat, angallat atorneqartoq akuerisaanngippat, angalanerlu naalackersuisoqarfimmut isumaqatigiissuteqarfiusimanngippat.

Pisariaqarfiisigut unnuisariaqarnerit, **unnuinermilu** nerisassat pisariaqartut naalackersuisoqarfiup akilissavai.

Ilaqutariittut ornittagaaneq

Pingaarteqarpoq erseqqissassallugu ilinniartup ilaqutariinni ornittakkaminiittarnera namminersorlutik Oqartussat akileeqataaffigineq ajormassuk, tassa angajoqqaat taamatumani aningaasartuuteqarneq namminmneq akiligassaraat. Taamaamat pingaarteqarpoq angajoqqaat ilaqutariillu ornittakkat erseqqissumik isumaqatigiissutigissagaat, taakku qanoq akilerneqartassanersut.

Ilaqutariinnik ornittagaqarsinnaaneq ilinniartunut kalaallinut atuuttunngortillugu pilersitaavoq, taamaalillutik ilinniartut atuangiffeqarnerni sapaatillu akunnerata naanerani inersimasunik saaffigisassaqaarniassammata. Aamma maluginiarneqarsimavoq ilaqutariit ornittakkat pitsaasut ilinniartup efterskolemiinnerminik naammassisagarluarneranut amerlasuutigut pisooqataasartut.

Ilaqutariit ornittagaasut piareersimassapput ilaqutariit kalaallit ”tallissutaasut”, taamaalillutik ilinniartut atualeqqaarneranni efterskolemilu angajoqqaat ataatsimiinerani ajornanngippat ilaasassallutik, atuangiffeqarnerni, soorlu ukiakkut-, juullimut, ukiukkut, påskemi, pinsemi imaluunniit sap.ak. naanerini pulaarsinnaallutik. Efterskolet ilaasa piumasarisarpaat ilinniartut napparsimanermik nalaani atuarfimiissanngitsut, taamaamat ilaqutariit ornittagaasut aamma piareersimaffigisariaqarpaat ilinniartut napparsimanerisa nalaani imminniitinnissaat.

Ilaqutariit ornittagaasut aamma piareersimassapput ilinniarnerep aallartinnginnerani naasimatsiarneranilu angerlarnissasa tungaannut ilinniasrtut najugaqartissinnaanerannut, tamannalu angajoqqaanut Kalallit Nunanniittunut Kalallillu Illuannut qaninnermut isumaqatigiissuteqarfigalgu – aamma tassunga atavoq ilinniartut tikinneranni aalalernertannilu timmisartoqarfiliaassisarneq.

Angajoqqaat Namminersorlutik Oqartussanit tapiissutisinarunik ilaqutariinnit ornittagassanit **oqariartuut atsiugaq ilanngutissavaat**. Taamaamat eqqaamallugu nalunaarut atsiugaq piffissaalluarallartillugu ilaqutariinnut nassiunnissaa, tassami qinnuteqaat 1. februari kommunemi ilinniagaqarnermik ingerlatsivimmut tunniunneqareertussaavoq. Ilaqutariinnut ornittakkanut immersugassaq uani takusinnaavat:

http://oqaatsit.gl/Portals/0/Dokumenter/Efterskole/Kontaktfamiliekontrakt_2014_15.pdf

Efterskolet peqatigiiffiat

Efterskolet peqatigiiffiata atorfeqartippaa peorsaanerimi siunnersorti, taassumalu kalaallit inuusuttut efterskoleniittut siunnersortarpai. Peqatigiiffiup nittartagaani kalaallit inuusuttut periarfissaat ingerlatsiviilu suuneri atuarneqarsinnaapput.

Web www.efterskole.dk/groenlandskeelever

Attaveqarfissaq: Maren Ottar Hessner på moh@efterskoleforeningen.dk

Angerlariartorneq:

Angerlariartorneq Kalaallit Illuata efterskolemut attuumassuteartup aaqqissugassaraa. Angajoqqaat angalanissamut kissaatigisat immikkuullarissut atuarneq qaammatinik 5-inik sioqqullugu Kalaallit Illuannut naalakkersuisoqarfimmit immersugassaq atorlugu apuutereersimassapput, taanna uani aaneqarsinnaavoq: /kingusinnerusukku). Uani aamma

atuuppoq angalanissaq akikinnerpaaq atorlugu ingerlasoqassamat, aamma angajoqqaat billesitunik tunniussivissap kingornatigut angalanissamik allannguisut aningaasartuuteqarnerunissaminnik qinnuigineqassammata.

Aamma sangajoqqaat namminneq ilinniartup angerlarnissaa isumagisinnaavaat, billetsillu akianik utertitsillutik Danmarkilialernerneq pissutsit atuuttut assigalugit.

Maalaarfigineqarsinnaasut:

Tapiissutit pillugit aalajangiinerit allaffissornikkut oqartussaasunut ingerlatinneqarsinnaanngillat.

Piffissaliussat pingaarutillit

Ukiumi atualerfissami 1. februar nallertinnagu:

Efterskole qinnuteqarfigineqareersimassaaq ilinniartunngorsinnaanerlu nalunaarutigineqarsimassalluni.

Eqqaamallugu ilinniartunut annertuumik innarluuteqartunut aamma ilinniartunut angerlarsimaffimmit avataanut inissinneqarsimassunut ilinniartunik taamaattunik tigusinissaminut efterskole akuerisaasussaammat.

Ilaqtariinnit ornittagassanit nalunaarut atsiorneqarsimasoq pissarsiarineqarsimassaaq.

1. februar:

Namminersorlutik Oqartussanut tapiiffigineqarnissamik qinnuteqaat pisariaqartunik tamanik ilanngussartalik kommunep ilinniartitaanermut ingerlatsivianut tunniunneqariissaaq.

280.000/340.000-it inorlugit aningaasarsiaqarusi immikkut tapissutunik qinnuteqarsinnaavusi. Immikkut tapiissutunik qinnuteqarusi ilanngutissavasi efterskolernissaq ukiumik 2-nik sioqqullugu aningaasarsiat akuleraaruseriffimmit inaarutaasumik nalunaarutiginerisa allagartaat, imaluunniit aningaasarsiasi taaneqartunit ukiumi kingullermi ikinnerulersimappata ukiumik ataatsimik atualernissaq sioqqullugu aningaasarsianut uppersaatit.

15. februar:

Namminersorlutik Oqartussanut tapiiffigineqarnissamut qinnuteqaat Ilinniartitaaneq pillugu naalackersuisoqarfimmeeriissaaq.

15. marts:

Ilinniartitaaneq pillugu naalackersuisoqarfiup angajoqqaat, ingerlatsivik aamma efterskole nalunaarfigissavai qinnuteqaatit akuerineqarsimasut, taakkua piffissaagallartillugu tunniunneqarsimappata eqqortumillu immersorneqarsimallutik.

15. marts – 1. juni:

Bilitsit ilinniartunut nassiussuunneqassapput, angalanissaq ilinniartitaanermut naalackersuisoqarfimmit aaqqiissuunneqartussaappat.

Atuarnerup naammassinissaanut qaammatit tallimanngorpata:

Kalaallit Illuat efterskolemut attaveqaataasoq nalunaarfigineqassaaq angajoqqaat meeqqamik angerlarnissaanut immikkut kissateqarsimappata, aamma ilaqtariit ornittakkat angerlarfissap ullulernerarnerata tungaanut ilinniartumik najugaqartitsisinaanersut nalunaarutigineqassaaq.